



安祿山事迹卷下



十五載^年正月乙卯朔祿山遣東都耆老緇黃勸進遂
偽即帝位國曰大燕自稱^曰聖武皇帝

祿山起逆^{兵時}之初童謠云燕燕飛上天天上女兒鋪
白黏^也檀上一貫錢燕者祿山國號^也重言燕者史思
明亦稱天子天上女安家也鋪白黏者祿山入洛
陽之日大雪盈尺^天也上一貫錢者言祿山只得一
千日祿山云纜入洛陽瑞雪盈尺靈言^{一作}顏上祿
山詩曰象曰雲雷屯大君理紆綸馬上取天下雪

中朝海神

改元曰聖武元年置丞相己下官封其子慶緒為王
以達奚珣為侍中張通儒為尚書

初汾陽收東都後差人送偽朝士陳希烈等三百
五十餘人赴京兼奏表請從寬恕以招來者三表
上皇以朝官不扈從其恨頗深遂下勅云初陷寇
逆忽被脅從受任數年得非同惡戴天履地為尔
之羞宜付三司詳理處分後三司讞刑奏曰達奚
珣珣子勢薛曉一作韋恒韓澄并大通舟大華劉

子英罪當大辟陳希烈張均門用之郭納許彥蒿
並賜自盡許房宇文班盧自勵達于蕭克濟陳

柳芳李彥光何昌裔郝處俊崔肅等流于檄外
勿齒帝曰珣摯父子同刑人所不忍降摯一等
囚于所司太師房瑄曰張均欲注賊所望五陵涕
泣而不忍去也遂減死一等流于涇洲發韓公張
仁亶一作之墓戮其屍以張通儒故也張萬頃獨
孤問俗張休並復舊官祿山令問俗壞太廟問俗
遷延終以獲全令萬頃捕殺皇支萬頃多所脫免

休數面諫祿山此二三人者本祿山賓佐其餘文武悉備署之以范陽為東都復其百姓終身署其城東隅私第為潛龍宮

其第本造為同羅館前後十餘院門觀宏壯闡閫幽深土木之瑰奇聖之彫飾僭擬宮室祿山表請以一千萬買之奉勅賜之至是號焉

偽節度留後賈循右虞侯程超謀以范陽歸順為祿山偽度支副向潤容所覺潛令送赦書使韓朝陽告之康寅朝陽自洛陽致祿山意旨將畢命入別館循不

虞朝陽之害已與朝陽款曲行禮朝陽引之密語抽

佩刀斬之遂宣偽詔數循罪逆并斬程超並傳首東郡戮及妻

子以平盧持節偽名知誨一作為留後亦為本軍所殺

又加潤容右散騎常侍代之殺皇文范陽府掾李戒

等四人沒其妻子五月奚契丹兩蕃數出北山口至

于范陽俘劫牛馬子女止城下累日城中唯留後旨羸

兵數千不敵潤容等計無所出遂以樂人戴竿索者

為橋趨捷可用授兵出戰至城北清河水大敗為奚羯

所戮唯存三數人伏草間獲免

其樂人本予宗所賜皆非人間之伎轉相教習得
五百⁺餘人或一人肩扇^{一作符}首戴二十四人戴
竿長百餘尺至于竿杪人騰擲如猿狖飛鳥之勢
竟為奇絕累日不憚觀者汗流目眩於是此輩殲
矣虜未至前月餘日童謠云舊來誇戴竿今日不
堪看^但看五日裏清河邊見契丹初聞莫悟至是
而應之

六月八日乙酉哥舒翰出兵潼關為祿山將霍乾祐
所破^敗十四日辛卯潼關失守

初翰守潼關或勸翰曰祿山阻兵以誅國忠為名
公若留二萬人守潼關悉以餘兵誅國忠此漢誅
晁錯挫七國之計也公以為何如而翰許之未發
或泄其言于國忠國忠大懼乃奏曰兵法安不忘
危今潼關兵衆雖多而無後殿萬一不利京師得
無恐乎請選監奴小兒三千人訓練于苑中從之
遂遣劔南軍將李福德劉光庭分部焉又奏召募
一萬人屯霸上令其腹心杜乾運將之焉翰慮為
所圖^其乃上表請乾運兵隸于潼關乃召乾運赴潼

關計事因斬之國忠語其子暄曰吾死無日矣翰自是心不自安又請諸將以潼關三百餘里利者守降不利出攻楊國忠以翰持兵未決慮于己不利欲其速戰數奏促之賊將崔乾祐叩關數請戰國忠與翰既不協因言翰逗遛不進宗數使進兵出關翰遂領馬步十五萬與賊將霍乾祐會初翰造車粘以毡蒙其車以馬駕之画以龍虎之狀五色相宣復以金銀飾其画戰之日及牙將充戰馬因驚駭從而攢戈矢逐之賊知其計積薪芻于

隘路俟粘車至順風縱火火赫驚走奔駭燒檀車及薪芻煙焰昏黑兩軍不相辨我軍謂賊在煙焰之中遂習^集弓弩^矢併射之賊軍抽退日昃方覺^知無賊我衆從關門六七十里路狹北拒黃河南是石岬排蹴前進不得賊抽軍逆南山設疑曳柴揚塵以同羅習險之騎直透黃河橫截我軍敗績沈河死者十有二三翰在北高阜上觀軍陣進退之勢于時般糧艫在河北岸左右言取艫渡兵遂將艫百餘隻到河南岬爭渡者不可勝紀^計每滿即沈如是

沈者數十渡餘軍散走入南關先時于關門旁穿
二道塹闊二丈餘及師敗之際前後奔兢人馬相
藉入坑須臾塹滿兵士踐人馬之上方得入關陣
之既敗也乾祐領白旗引左右馳突注來我軍視
之狀若神鬼又見黃旗軍數百隊官軍潛謂之賊
不敢逼之須臾又見與乾祐鬪黃旗不勝退而又
戰者不一俄然不知所在後昭陵奏是日靈官人
石馬汗流又云其日翰靈官縣西洪溜潤與崔乾
祐相逼翰兵馬多乾祐不過萬人為撒星陣十五

為一旗或密或疎或前或却官軍見之皆大異焉
乾祐又以陌刃五千^十人列于陣後令其軍曰進則
五有生退則死在旋踵故其兵一一自戰乾祐忽
驚金鼓卷旗狀似退官軍益怠忽馳而進勢若雷
霆官失勢軍遂為所薄是^時東風吼地飛沙漲天
烟塵相合野中舊積諸草賊皆焚之煙焰徹天昏
黑不辨如夜旗號之色人皆莫辨賊乘風便我軍
煙塵之中拱手而皆受戮

初翰至潼關風疾頗甚軍中之務不復躬親委政事

行軍田良邱其將王思禮李光承又爭長不叶全無
鬪志及出師未陣而潰為蕃麾下蕃將火拔婦仁執
降于祿山

軍敗後翰自首陽山西渡入潼關津驛關門不守
王思禮收合餘軍更欲戰婦仁語翰曰賊勢逼相
公且宜西行避之以圖去就翰上馬出驛婦仁師
諸將叩馬請降祿山後畫異圖事將未晚翰曰逆
胡猖狂偶然一勝天下之兵計相續至羯胡之首
期懸旦暮婦仁曰賊在咫尺更欲徵兵則我之命

已掛賊戈矣翰欲下馬遂以毛繩于馬腹下連縛
其脚控轡出驛翰怒握鞭自築其喉又被奪却鞭
攏馬就乾祐送于洛陽

祿山曰汝常輕我今日何如翰俯伏稱肉眼豈知陛
下遂至此陛下為撥亂之主今天下未平李光弼在
王門來瑱在河南魯靈在南陽但留臣臣以尺書招
之不日平矣祿山大喜遂署翰為司空令書招光弼
等諸將報書皆讓翰不死節祿山知事不遂閉翰于
苑中而害之辛卯之夕平安火不至宗懼焉十五

日壬辰聞于朝廷予宗召百官問計國忠以為幸蜀便

先是國忠樂于蜀地為自全之計自天下之兵頗置腹心于梁益間率行其志或曰非國忠之計解之在後監察御史請出御庫金帛召募壯士率六軍一戰以拒之識者壯其志而又壯其謀初予宗覽龜茲曲名見北洛背代深惡之謂樂工李龜年曰何忽音樂為此不祥之名遂令講曲悉改改名及聞祿山反龜年曰曲名先兆果不虛矣開元天

寶中人間多于宮調中奏突厥神亦為祿山之應國初盛傳武媚娘曲而則天僭竊之事應之則先兆豈可測哉

十六日癸卯予宗幸蜀

鑾駕自迎秋門出百官尚未知明日亦有來朝者已有官嬪亂出驢馬入殿輦運庫物上過渭橋後楊國忠令燒斷其路上知使高力士走馬至橋止之曰今百姓蒼惶各求生路何得斷絕令力士撲滅了來上止望賢宮從官告飢乃殺命馬折行

宮木煮肉遺之入宮憇于樹下惘然有棄海內之
思高力士覺之遂抱上足嗚咽上曰朕之作后無
負黎元今朝朔胡負恩宗廟失守竟無一人勤王
者朕負宗社敢不自勉唯尔知我更復何言即使
中官入縣宣告咸陽官吏百姓更無一人至者午
時上猶未食良久有村叟來獻蜜麩上對之慘然
既而尚食令人舁御膳至分散從官發至金城宿
是夜王思禮自潼關至奏哥舒翰敗沒之狀十八
日至馬嵬從官韋見素及男諤楊國忠及男暄魏

方進及男元向等六人入驛起居纔出有吐蕃二
十餘騎接國忠曰某等異域蕃人來遇國難請示
歸路國忠方與語衆軍傳命曰楊國忠與吐蕃同
反魏方進亦連一時帶甲圍驛國忠曰祿山已為
梟獍逼迫君父汝等更相倣倣耶衆軍曰尔是逆
賊更道何人騎士張小敬先射國忠落馬便即梟
首屠割其屍魏方進及兩男吐蕃同時遇害見素
為亂兵所傷腦血塗地曰莫損韋相公父子乃得
免上令壽王以藥封其瘡兵猶圍驛不散王召從

官唯見素父子二人上策杖躡履自出驛門令各收軍軍人不應行在都虞候陳彜禮領諸將三十餘人帶杖奏曰國忠父子既誅太真不合供奉上曰朕即當處置乃回步入驛倚杖久之不進事諤極言乃引步前行高力士乃請先入見太真具述事勢太真曰今日之事所實甘心容禮佛遂縊于佛堂昇置驛庭中今彜禮等觀之彜禮等謝免胄謝焉軍人乃悅然後議鑿駕所詣上意欲幸蜀中官封常清以國忠久在劔南恐其中連謀生意不如

幸太原百姓望幸多時地安可駐中官郭師太謀幸朔方曰彼蕃漢雜處父子成章自來地名忠孝中官駱休祥請幸隴西曰姑臧一部魯曾王五涼土厚地殷實堪巡幸各陳所見都十餘輩上皆不可顧謂力士曰卿意如何力士曰太原雖近地與賊連先字下祿山人心難測朔方近塞全是蕃戒教之甚難不達人意西涼地遠沙塞蕭條大難巡幸人馬不少既無備擬立見恓惶劔南雖小土富人強表裏山河內外險固以臣所見幸蜀為宜上然

之即日幸蜀皇太子為百姓所留尋幸靈武

十七日甲午陷西京初祿山不虞及乎宗西幸故進兵緩也于是祿山偽官屬等全虜府庫兵甲文物圖籍宜春雲韶犀象舞馬掖庭後宮皆沒焉

祿山以車輦樂器及歌舞衣服迫脅樂工牽制犀象驅掠舞馬遣入洛陽復散于北向時之盛埽地矣肅宗克復方散求于人間復歸于京師十得二三祿山至東都既為僭逆嘗令設樂祿山揣幽燕戎王蕃胡酋長多未之見乃莊曰自吾得天下犀

象自南海奔來見吾必拜舞禽鳥尚知天所命歸沉于人乎則四海安得不從我于是令左右領象至則前瞪目忿怒略無舞者祿山大慙懷怒命置于穿井中以烈火燒便力憊壯士乘高而投之洞達胷腋流血數石血舊人樂工見之無不掩泣祿山尤致意于樂工求訪頗切不旬日間獲梨園弟子數百人羣賊皆相與大會于凝碧池宴偽官數十人陳御庫珍寶羅列前後樂既作梨園弟子皆不覺歔歔相視泣下羣賊露刃持滿以脅之而悲不

自勝樂工雷海清者投樂器于地西向慟哭賊乃
縛海清于戲馬臺支解以示樂人間之者無不傷
痛時王維亦在賊中初于菩提佛寺聞之賦詩曰
萬戶傷心生野烟百官何日更朝天秋槐葉落空
宮裏凝碧池頭奏管絃維開元初進士及第事母
崔氏以孝聞累官給事中祿山陷長安維在賊中
佯狂失音久之賊重其名追赴洛陽僞授給事中
至德二年冬收東京三司類例入為太子中允時
弟縉為刑部侍郎太子中允抗表請以官爵贖兄

之罪上元元年原其罪後為尚書左丞營別業于
輞川朝散之後常獨坐焚香妻亡後三十年孤居
一室便絕塵累及臨終之際縉在鳳翔作別縉書
及平生故人勸以修習捨筆而終

祿山竊據河洛令張通儒居守安守忠總兵以鎮西
京於時二京全陷

至德元年九月賊黨孫孝哲害霍國長公主永王
妃及駙馬楊駙等八十餘人又害皇孫二十餘人並
剗其心以祭安慶宗慶宗以祿山起之年十一月

二十七日腰斬于長安并母康氏等五人榮義公
主亦賜死焉自後安忍殺不附己者王侯將相未
扈從入蜀者子孫兄弟雖在嬰孩之中皆不免于
刑戮遂深居高拱殘虐忍自恣其大將等亦不可得
而見之皆因嚴莊以白事其酷如狼虎雖曰腹心
齊為仇敵矣先是百姓因亂為盜忽入倉庫祿山
既收西京大怒之大索長安三日而後止雖私財必
皆取之又令府縣推按連引支證日以勾錄徵剝
搜捕為事錐刀之末無不徵之百姓騷然所在叛

矣間諜日至士庶潛議凶歸知肅宗至靈我皆企
官軍相傳曰皇太子從西來也人皆奔走市肆為
空如是者百餘日京畿豪杰傑沒賊官吏歸者相繼
不絕誅而復起絕莫能制其初自京畿廊坊至于
岐隴悉附之至是城西之外為勅敵其將皆勇而
無謀日縱酒高會唯聲色財貨是嗜不復萌西進
之心故肅宗得乘其弊蓋天所命也
兇威所至無不蕩服衣冠士庶歸順于靈武郡者繼
于道路家口亦多避地于江淮

天寶初貴游士庶好衣胡服為豹皮帽婦人則簪步搖釵衣之制度襍袖窄小識者竊怪之知其戎矣

其其陷賊州郡賊軍所至則為賊守師纔去則相共殺賊歸國及覆十數度至于城邑郡為墟而人心不改及聞肅宗治兵于靈武人心益堅矣祿山先患眼疾日加昏昧殆不見物又性轉嚴酷事不如意即加箠左右給侍微過便行斧鉞特寵段氏常欲以段氏所生慶恩代長子慶緒為嗣太子慶緒每懼見廢嚴莊亦

慮祿山眼疾轉甚恐宮中事變之後將不利遂夜與慶緒及祿山左右閹豎李猪兒等同謀莊謂慶緒曰殿下聞大義滅親乎臣子之間事不得已而為者不可失也慶緒小胡性又怯懦憂懼之際遂應之曰兄之所為敢不從命又謂猪兒曰汝事皇帝鞭笞寧可數乎汝不行大事死無日矣二年正月五日遂相與謀殺祿山嚴莊慶緒執兵立于帳外猪兒執大刀直入帳下以刀斬其腹左右懼不敢動祿山眼無所見床頭常着佩刀始覺難作捫刀不得但以手撼帳竿大

呼云賊由嚴莊須臾腹已數斗血流出掘牀下地以
粘裹其屍埋之戒宮中勿令泄莊明日宣言于外稱
祿山疾亟偽詔立慶緒為皇太子軍國軍大小並決
之于祿山慶緒偽即位尊祿山為太上皇慶緒常兄
事嚴莊每事必諮之

猪兒契丹之降口也年十歲餘事祿山頗謹宮刑
之時流血數斗殆死數日方蘇幼時祿山最信之
祿山腹大每著衣服令三四人擎腹猪兒頂戴之
始得繫衣帶宗賜祿山華清宮浴猪兒得入宮

與祿山解著衣裳然祿山性殘暴鞭撻猪兒最多
遂有割腹之禍

祿山以天寶十四年乙未十一月反至至德二年丁
酉正月被殺僭竊三年年五十五

至德二年八月二十五日賊將安守忠等于香積
山寺汾陽領軍從城南赴東都二十八日元帥代
宗皇帝入城安撫百姓十月六日又收東都安慶
緒安東都遁于河朔十月二十三日大駕還京其
日上皇發成都慶緒之奔也步軍不滿三千馬軍

才三四百至新鄉知嚴莊投國家諸將當時心動
阿史那承慶_布部落及李立節安守忠李歸仁等散
投_直怕趙范陽只有張通儒崔乾祐等兩三人時來
衛前參至衛州則無人輒見及至蕩陰分散過半
縱_云來去者亦止洎_伯相遠慶緒知人心移改不敢詢
問至相州離散略盡疲卒_兵纔一千騎士三百而已
至滏陽縣畛時河東節度使李光弼屯卒一百萬
軍馬三百在滏陽慶緒處必死地謂諸弟曰一種
是死不如刀頭取決遂與慶和等三人領家僮數

百設奇計大破官軍光弼大潰澤潞節度使王思
禮營相去四五里知光弼敗一時分散慶緒遂分
搦道曳露布稱_破光弼思禮兩軍收斫萬計營幕儼
然天假使便無所欠少況回鶻已走立功不難其
先潰將士_仰于相州屯集限此月二十六日前到取
來月八日再收洛陽諸賊知東喪師逆心又固受
其招誘以十月悉到相州慶緒改相州為安成府
大赦境內改年曰天河委薛嵩訓練新舊以三萬
餘馬軍六千己上旬日之中偽蔡希德以其衆自

高平至田承嗣自潁川至武令珣自唐郢至道塗復
及六萬明年十月十四日汾陽自上都赴軍額十
六萬至衛州城下而慶緒以馬步十萬來逆戰數
合皆敗慶和恃以弓矢獨自出陣射官軍中箭弃
鎗墜馬就擒慶緒大敗遇夜走歸相州汾陽遂收
諸道兵馬薛兼訓董泰等二十一萬衆于相州西
南三十里下營十一月五日慶緒以五萬衆列陣
于愁思岡賊衆大敗殺二萬餘人遂至城下四面
穿壕圍之慶緒以殘傷出戰多至摧敗却入城守

史思明本為慶緒北鎮幽薊及慶緒京陝西敗洛
陽奔北思明殺烏承恩却背國家慶緒危急頻使
求救于思明思明乃引軍來援兇徒既出燕州乾
元二年思明于魏州僭稱燕王年號順天全軍屯
于楚王橋使李歸仁以精兵一萬尋山向北汾陽
以勅賜刀授一軍平明引軍躡賊賊亦駐軍相持
至暮三合歸仁大敗擒偽洛州節度使張令暉兵
馬使范秀嚴流血積屍填谿溢谷歸仁乃歸滏陽
招取敗卒思明聞之大懼汾陽以諸將欲襲思明

謀議不同汾陽與李廣琛同謀引安陽河水浸城
遂築堰開渠而浸城焉城中無復出路餓死者衆
思明遂領兵來助殺我防堰官健決我隄堰又破
衛尉縣燒糧車五十乘驅牛萬頭却官健走脫者
一半已來二月己未慶緒城中易子而食屑朽木
淘馬糞飼馬官軍以道路懸絕來往甚艱汾陽與
光弼所謀不協遂列大陣于鄴縣南十里韓陵山
東潼水上官軍初勝生擒殺傷甚衆思明于困敗
之中忽生奇計官軍大敗日蕩風起塵埃晝昏城

下諸軍望見迴軍車以為賊徒大至一時皆潰資糧
器械並弃汾陽行二三里駐馬以待師與諸將結
四面陣當路而迴官軍四分損一思明引全軍赴
相州慶緒使人三十里外將柘黃衣以送思明申中
誠請冊思明日不用衣服即當相見慶緒與弟五
人渡安陽河十里以來逆見思明欲下馬思明止
之迴馬讓行慶緒從焉當時分配安置偽刑部尚
書孫孝哲侍中高尚兵部尚書崔乾祐大將已下
九人並在球場祇俟參賀思明過後九人一時處

斬思明休卒于合河之陽思明既下馬慶緒兄弟
廳前東西而立數慶緒凡數百言末云因何殺阿
爺奪職掌曳慶緒西面而縊殺之諸弟四人並斬初
慶緒未敗時讖云渡河野狐尾獨遠速明年死在十
八日又云胡絕其後死在合河口至是而驗當解
時一作思明將士或謀殺思明而附慶緒蓋懷祿山
舊恩事臨發慶緒降衆人皆恨之慶緒官健六千
餘人大半餓不行立並令安太清等養育之數內
三千三百人是隨從慶緒者並令殺之食後方移入

城自是祿山種類殲矣

慶緒自至德二年殺祿山自立至乾元二年己亥為
史思明所殺其後併于思明思明復稱大燕以祿山
為偽燕令偽史官官稷一撰祿山墓誌慶緒而祿山
不得其屍以妻康氏並招魂而葬所謂哀謚祿山曰
光烈皇帝降慶緒為進刺王其墓誌叙述兇逆語非
典實所紀亦非無可取故略也焉

史思明營州雜種也本名宰于乎宗改為思明瘦
小少髭鬚深目鳶肩性剛急與祿山同鄉生較祿

山^先一日思明歲夜生祿山歲日長^生及長相親俱以
騎勇聞解六蕃語同為牙郎以欠官錢走入奚詐
為漢使得免後誘殺奚節度使張守珪以思明殺
奚功奏授^為折衝與祿山同為捉生將去無不捷累
拜大將軍及祿山叛逆遂為祿山攻劫郡縣所向
無敵始自一卒至平州刺史收河朔戮力驟至崇
秩畏威懷德雖死無二後慶緒殺祿山而賜思明
姓安氏改名榮國封媯川王思明自己懷計而常
懼賊將蔡希德無何朝議殺希德而思明喜形于

色尋以八百騎眾舉河北封歸義王范陽節度使
明年改乾元元年戊戌肅宗使烏承恩為思明副
思明殺之復及緒將圍慶緒于相州思明乃來援
初懼我軍之救會蕭華以魏州來歸順一詔河南
節度使李光遠代蕭華思明乘其初到以乘擊光
遠光遠脫身南渡明年即元年己亥正月一日也
思明于^魏州自立為燕王年號順天引兵救相州官
軍敗績九節度使引退思明頓兵于合河口慶緒
兄弟至皆殺之併其眾迴至薊城集僚屬誇街克

捷自為天假智略人亦以為然乃立宗廟社稷謚
祖考為皇帝以妻辛氏為皇后次子朝興為皇太
子長子朝義為懷王諸子皆為王以禮招魂葬祿
山置侍中尚書令等官立臺省無曹局遞為檢計
之所識者笑之以范陽為燕京命洛陽為周京長
安為秦京置日華等門署衙門樓為聽政樓節度
廳為紫微殿又令其妻新為親蠶之禮于薊城東郊
以官屬妻為命婦燕羯之地不聞此禮看者填街
塞路燕薊間軍士都不識京官名品見稱黃門侍

郎者曰黃門何得此髭鬚皆此類也其年八月又
搃兵南來九月又收大梁陷我洛陽東洛佛事皆
送至幽州以舊宅為龍興寺而崇飾之思明本不識
文字忽然好吟詩每就一章必驛宣示皆可絕倒
嘗欲以櫻桃賜其子朝義及周贄以彩牋勅左右
書之曰櫻桃一籠子一半赤一半黃一半與懷王
一半與周贄小吏龍譚進曰請改為一半與周贄
一半與懷王則聲韻相協思明曰韻是何時物豈可
以我兒處在周贄之下乎又題石榴詩曰三月四月紅

花裏五月六月瓶子裏作刀割破六七千箇赤男
女郡國傳寫置之郵亭子朝興本牧羊胡離忽淹
有十州之地恣為不法人不聊生萬姓嗷嗷皆望
官軍之至上元二年辛丑官軍于印山北印敗績光弼
奔聞喜思明使其子朝義為先鋒自為後殿朝義
至永寧郡西使鞅騎先鋒至姜山子嶺為官軍所敗
朝義屢進兵皆挫衄思明大怒朝義與諸將並皆欲
按軍令朝義惶懼不自安思明居驛令心腹曹將
軍擊刁斗防衛甚嚴朝義將駱悅蔡文景與朝義

曰王于姜子頗失津令今日害王王何不自謀悅等與王
死無日矣因言及癘篡立之事曹將軍亦願為之欲喚
共謀大事如何朝義曰勿驚動聖人善為之使計
許林蘆男季常以其命命曹將君將軍至悅駱以其
謀告之曹將軍知諸將怨恐禍及己乃不敢拒其
夜領朝義下數百人釋甲詣驛思明侍衛怪其有
異懼曹將軍遂不敢動思明夢覺據牀惆悵思明
性好伶人寢食必致左右伶人以其殘忍皆怨之
因問其故思明日吾一夢見小沙上羣鹿吾逐鹿

逐鹿一本無三無字吾及水遂見鹿死水言畢如廁伶人相謂曰鹿者祿也水者命也祿與命俱已矣俄頃駱悅以兵入問思明所在未及對以匕首搃殺數人因指如廁思明知事變踰牆至馬廐韞馬將射無之悅等索見之使麾下周子俊射中其臂落思馬明問悅等曰是何人作難悅曰懷王命思明日我朝來語錯合招此事然汝害我疾太疾何不待我收長安終歸汝事今雖廢我汝必不成因急呼朝義小名者三莫殺我我不惜死恐我父之名汝有殺因罵曹將

軍此胡誤我我負汝何事而行此逆乎悅等叱左右擒思明赴柳泉驛乃回見朝義朝義曰莫驚聖人否悅曰無之周贄許叔冀軍在印山朝義發許季常注報贄于簾下坐見季常說驚駭朝義乃領兵回周贄許叔冀與季常赴恐贄貳于己駱悅等歡美之殺于柳泉驛恐衆心未定遂矯朝義之命以帛縊殺思明粘裏其屍駱馳至東都朝義僭逆自立號顯聖朝義思明之孽子也既殺思明復使張通儒誅朝興等以通儒為燕京留守尋為高

鞠仁所殺又與番將阿思那承慶相害承慶不敵而奔潞縣鞠仁令城中殺胡者重賞於是羯胡盡殪小兒擲于空中以戈承之高鼻類胡而濫死者甚衆以鞠仁為燕京兵馬使五月以偽太常卿李懷仙為御史大夫范陽節度使復殺鞠仁衙門自春至夏相殺者凡四五加懷仙兵部尚書隴西郡王寶應元年葬思明于良鄉東北岡是月王師克復洛陽朝義敗走渡河保魏州河北相繼歸順朝義又加懷仙侍中走至莫州疑懷仙不敢入前城

取道^北走將殺奚十二月李懷仙以范陽歸順誘朝^殺義于城東函其首使騎將徐濟馳獻于闕下朝廷嘉之拜懷仙太傅檢校侍中兼兵部尚書封武都郡王仍為幽州節度使薊門遂寧思明以乾元二年己亥三月殺安慶緒僭王至史朝義寶應元年十二月為李懷仙所殺首尾四年安史二兇羯相繼亂于道范陽安祿山以天寶十四載乙未十一月犯順史思明男朝義至寶應元年壬寅十二月為李懷仙所殺二胡共擾中原凡八年幽

燕始平

安祿山事迹卷下



安祿山事跡又名安史事跡唐華陰縣尉姚汝
能所纂筆法明練最足據依蓋出同時有心人
手非掇拾攸縵之作也辛巳上元郁秀才陞宣
攜此書過州堂見贈敬叟識

中秋日過毋自欺齋適見此冊乃從主人借歸有丁龍泓
徵君八分手跋卷端有朱文小印二一丁字圓印一敬身二字
聯珠印原本字迹艸、又多譌脫鈔時略為改正俟訪善本
校之己亥十月五日吳卿勞權識於木夫宮館

偶得符氏秋聲館鈔本校一過略正誤字符本亦多譌脫未可盡據也衡子



書



大正

大正

大正

程